


中蜜炳
燭室雜文
梅衡一
花館文
勺錄附
續附錄





炳
燭
室
雜
文

江
藩
著

中
華
書
局

此據滂喜齋叢書
本排印初編各叢
書僅有此本

炳燭室雜文

甘泉江藩鄭堂

河賦并序

班固曰。中國川源以百數。著莫于四瀆。而河爲宗。白虎通曰。其德著大。故稱瀆。則河之爲德也。洋洋乎大哉。昔成公子安、應蕡皆有賦。見酈道元水經注中。其文不傳。山居讀書。慕木元虛之賦海郭景純之賦江而賦靈河。晉以後之事略而不取。恐汎濫則文冗長。且非古賦之體。事則稽之經史。水道合于水經。產則考之于古。而徵之于今。玉卮無當。雖寶非用。侈言無驗。雖麗非經。左太冲之言也。

稽古帝媯攝政。陶唐洪水方割。山懷陵襄。迺命大禹平分水壤。龍門岩嶺。巒巒巖岡。河出其上。瀾汗激盪。奔雷洩雲。涌濤騰浪。若流浮竹而駟馬難追。如鼓風輪而一葦難杭。于是導河積石。闢闢呂梁。下民安居。定壞四方。聽濁河之音。大慶德水之靈。長積石之上。則泳行地中。蒲昌相連。上溯其脈。出于崑山渤海。蕙嶺是謂重源。別有三水。赤洋與丹昆侖三級。離嵩五萬。太帝之居。戴勝之苑。五龍之出入。百神之盤旋。生死之樹。來不升之仙。新頃千仞。石立峩峩。莫步高下。莫測深淺。臨之目眩。行之息喘。縣絅如繩。梯渡類棧。甘英畏艱而去。張騫懼險而返。至於渤海。渾渾鬱鬱。隱淪迴湍。轉聲如霆。冬夏不減。激渟清泚。鳥飛見影。墜淵而死。敦煌酒泉之外。玉門陽關之域。或過八大山。歷十一國。源流色白。衆川濁之一曲一直。紆行

如蛇一千七百，并渠可計。揚沫孟津，而步廣八十，中流砥柱，而一障萬里。爾其狀也，始則浟湢聚滯，渝渙瀋澑；則瀛海間，滔漭汭洩，滅溪辟滂沛，滔滔不息。涌汎而天輪轂轉，淘滌而地軸柱側。演溢浩滯，灤瀰濁汎，瀦佚騰超，水厲沴矣。西北時凜，東南時起，鼓觸高岸，擊搏中峙，奔流汪濊，瀰漫無涘。防川如口，日夜孜孜，人力築壘，流始順發。名爲四瀆之宗神，則河伯之司。沈以圭璧載之用官，備言利害，始於太史。災異契乎天象，眚祥合乎人事。下民恨則水赤，聖人興則水清。伏羲授河圖之瑞，大禹有玉書之祐。金泥玉檢，而流星升昂；碧珠玉果，而天子西行。造石出川，而巨靈之跡猶在崩山；壅河而輦者之言可聽，山有鬼神之目。濟有君子之名，恃勇除鼈，而浪沫皆逆。以義求蛟，而水波皆平。勇則可殄怪物，義則可動四靈。峽橋運梁，光迷避地。水迴浸灌，三國喪兵。其產也，則蔓芋馬蒼石，髮麋薇。惟檮惟棗，惟梁春風，習習秋霜。霏霏垂實，纂纂布葉，依依寶龜靈蠻，游泳乎其隅。神龍妖蛟，出沒乎其淵。呼吸噴颺，排水淺淺。鼓濤抑浪，翥脊籠龍，鯀鯔鮕鯔，鯔葦穴之產。或鯉或鯢，周禮所獻。王鮪龍鱣，獻于籠人。浮以愈虛，舫人舟師，駕以舳艤。魚鹽之利，猗頓陶朱。流桐貢道，達于帝都。一石之水，六斗之泥。決渠兩注，荷重雲齊。直麻叢生，垂穎昂低，不可通潤。涇水急波，爭言水利。隴首開禾，漢則決爲三瀆。禹則播爲九河。竹楗石蓄，溢決柰何。延年上書，可按地圖。黃金可成，荒哉樂大。鐫廣砥柱，水更爲禍。鴻嘉以後，溢灌滂沱。河高于屋，民苦嗟吁。懷哉太史河渠之書，傷矣漢武瓠子之歌。不出禹穿定王五載，徙其故道，涸其東北。如灘反入，隨時更改。尾爲深川，入于天海。分爲二水，歷沈注濟。忽竭忽移，商周更遞。今會出入，百有餘水。郡縣山城，過歷可次。

繪以爲圖。指掌可視。影則斜絡乎天形。則貫注乎地。腠腋流化。筋脈卷舒。通中原之垢濁。爲百川之具區。古人曰。微大禹。我其魚乎。

六安州沿革說

六安卽古之六國。皇陶所封揚州之域也。春秋文五年。秋楚人滅六。杜預注。六國今廬江六縣。左氏傳。滅孫聞六與蓼滅。曰。皇陶庭堅不祀。忽諸。注。六與蓼皆皇陶後。在前漢則爲六安國。班固地理志。六安國故楚高帝元年。別爲衡山國。五年屬淮南。文帝十六年復爲衡山。武帝元狩二年。別爲六安國。莽曰安風。六故國。皇繇後。偃姓爲楚所滅。在後漢。則省屬廬江郡。司馬彪郡國志。廬江郡。文帝分淮南置。建武十年省六安國。以其縣屬。司馬貞史記索隱。黥布傳。注。地理志。廬江有六縣。蘇林曰。今爲六安。今班固地理志。無此文。亦無蘇林注。且西漢時。六安自爲國。或屬淮南。或爲衡山。至東漢始屬廬江郡。而廬江郡無六縣。小司馬所引地理志。不知爲何書。豈後漢郡國志。廬江郡下脫六縣耶。然不可考矣。陳壽三國志。無志就紀傳及晉書地理志考之。在魏爲六安縣。晉爲六縣。俱屬廬江郡。東晉以後。南朝郡縣之名。千回百改。巧歷不算。第據沈約宋書州郡志考之。有廬江郡。無六安縣。今地志云。宋省入灊縣。無明文可據。不知何所見而云然也。按宋志。邊城左郡太守。文帝元嘉二十五年。以豫郡蠻民立茹由。東安。光城。零襄。邊城。史水。開化七縣。屬弋陽郡。徐志有邊城。兩領零襄。史水。開化。邊城。兩縣。大明八年。復省爲縣。屬弋陽。後復立領縣。四。歷考地志。零襄縣。前漢屬廬江。安豐縣屬六安國。後漢併屬廬江。魏文帝分廬江立安豐郡。屬縣五。安

風雲婁安豐蓼松滋江左倚立屬縣二安豐松滋晉安帝省爲縣屬弋陽弋陽本縣名屬汝南魏文帝分立屬縣六江左時承魏舊分廬江立安豐安帝又省安下爲縣屬弋陽宋又分安豐置邊城左郡一郡之地疆域屢分名號輒易幾不知郡縣所在據樂史太平寰宇記廢邊城郡在六安縣一百九十八里則今之六安州乃邊城郡治矣今志引魏收地形志云霍州邊城郡麻步山麻埠鎮在州西南九十里卽故麻步山也考魏書霍州蕭衍置魏因之領郡十七縣三十六安豐郡領縣一治洛步城邊城郡治麻步山領縣一史水則梁武時安豐郡省松滋一縣邊城郡省零婁開化邊城三縣隋廬江郡統縣七合肥廬江襄安慎霍山津水開化隋書地理志霍山梁置霍州及岳安郡岳安縣後齊州廢開皇初郡廢縣改名焉津梁置北沛郡及新蔡縣開皇初郡廢又廢新蔡入焉有墜星山開化梁置有衡山九公山踢鼓山天山多智山今岳安故城津水多智山皆在六安州境中則六安在梁爲岳安爲北沛至隋則爲霍山津水開化三縣地劉昫唐書地理志壽春治所縣五安豐漢六國故城在縣南梁置安豐郡縣界有芍陂灌田萬頃號安豐塘隋因置縣今芍陂水在壽州然則今之鳳陽府壽州亦古六國之境矣志又云霍山漢灤城縣屬廬江郡隋置霍山應城三縣貞觀元年廢霍州省應城灤城二縣以霍山屬壽州又云盛唐舊霍山縣神功元年改爲武昌神龍元年復爲霍山開元二十七年改爲盛唐考漢書孝武紀五年冬行南巡狩至於盛唐望祀虞舜於九疑登灤天柱山薄縱陽而出作盛唐縱陽之歌注盛唐文穎曰按地理志不得疑當在廬江左右縣名也韋昭曰在南郡史記孝武紀無盛唐之說但云浮江自尋陽出縱陽而已樂史

太平寰宇記。六安縣在漢爲盛唐屬廬江郡。縣西二十五里有盛唐山。因爲名。今州境內無此山。豈史以文穎之說而博會之耶。抑別有所據耶。志又云霍邱漢松滋縣地屬廬江郡。武德四年置蓼州領霍邱一縣七年蓼州廢霍邱屬壽州縣北有安豐津考霍邱隋屬淮南郡亦因霍山得名。在今壽州境中也。則今之霍山縣漢之灊縣至隋開皇初始更名霍山。宋開寶四年省入六安。明宏治七年復置屬六安州。王圻續文獻通考云五代梁改盛唐曰潛山。後唐開光初復晉天福中又改曰外化尋復曰盛唐。考五代史職方考舒新廬壽四州始屬吳繼屬南唐非梁唐晉漢所有。坼之說殆皆說歟。考之宋元二史開寶時改盛唐爲六安。政和八年於縣置六安軍。紹興十三年又廢爲縣。嘉定五年復爲軍。端平元年又爲縣。後復爲軍。元至元二十八年復降爲縣屬廬州路。後復升爲州。明洪武初以州治六安縣省入屬鳳陽府十五年還屬廬州府。至英山一縣本漢江夏郡蘄春縣地至劉宋分立蘄水縣。宋咸淳初分蘄州羅田縣地置英山縣屬六安軍。尋廢德祐二年復明初屬鳳陽。洪武十四年還屬六安州。本朝因之。此六安一州。英霍二縣沿革之大略也。嘉慶二年春與六安張君篠原同客韓城相國家談釋地沿革之難語及六安州沿革指畫口說不能了然退而著此質之張君。張君能文章治古學且爲州之望族見聞必廣又加以目驗子說之是與非必能辨之也。

行狀說

劉編文心雕龍云狀者貌也。禮兒本原取其事實先賢表謚並有行狀狀之大者也。蓋三代時諱而謚於

遺之日讀之後誅文傷寒暑之退襲悲霜露之飄零巧於序悲易入新切而已交游之誅實同哀辭后妃之誅無異哀策誅之本意盡失而讀誅賜謚之典亦廢矣至典午之時始有行狀綜述生平行迹上之於朝以請謚任彥昇齊竟陵文宣王行狀所謂易名之典請遵前烈故文心雕龍以狀爲表謚則狀亦誅之流也狀者上之朝廷賜謚以爲飾終之典亦付之史官立傳以揚前烈之休此唐李習之所以有百官行狀之奏也考古人行狀皆出於門生故吏輓近之世遂有子狀父者居喪不文之禮姑置勿論夫門生故吏所爲之狀李翹尚謂虛美於所受恩之地不足以取信若子爲父狀豈能指事實書不飾虛言哉則其不足取信於人有更甚於門生故吏之所爲矣子孫欲夸大其祖父必至以是爲非以黑爲白蘇明允明以燰亂青史幽以欺譏鬼神明允之言可謂深切著明者也尤可駭者名不登於仕籍行不顯於閭閻亦爲行狀行述既不能請謚於朝又不能列名於史而爲此虛辭飾美豈非重譏其親乎昔梁元帝死遺疏不受贈謚教諸子不得言上行狀以昂之功業尚不敢上狀請謚今世與草木同腐之輩必爲一卷之狀亦徒形其醜而已且生不能養喪不盡禮欲以虛文表揚其親以爲孝不得請謚而爲狀于禮之典僞妄謬作又陷其親於不義其罪加於不孝一等矣

晉書孫楚傳王濟爲并州大中正訪問詮邑人品狀至孫楚濟曰此人非卿所能目吾自爲之乃狀楚曰天才英博亮拔不羣此生狀也若今之考語矣

節甫字說

藩弱冠時受易漢學於元和通儒良庭徵君始知六日七分消息升降之卦變互爻辰納甲之說迄今三十年矣藩生於乾隆二十六年三月二十二日至嘉慶十五年符大衍之日十辰十二星二十八之數先儒云聖人幽贊於神明而生蓍因創爲大衍四象之法以作八卦卦劫之術協假年之文乃擇元日令辰營積出筮而命之曰假爾泰筮有當尚辭尚變尚古尚象失得吉凶知來藏往惟爾有神受命如響得坎之節本漢儒之義而爲之說曰坎之初爻習坎入于坎窈凶窈坎中小坎也則五十年爲重坎之象入窈坎之內所以身處蓬戶辱在泥塗如蛇之蟠於淖獸之困於檻矣處重險之中思勤而出險見異物而遷設反道之行以追時好而取世資然不免於饑寒且動輒得咎幾蹈於阽危是欲被文繡食梁刺肥豈不若衣粗褐哈菽飲水之爲得也變而之節節止也今而後其出坎而知所止乎節之爻辭曰不出戶庭無咎泰三之五泰坤爲戶初應四四五艮艮爲庭卦體自二自四又互震震爲出得位應四故無咎象曰不出戶庭知通塞也坎爲通二變坤坤土爲塞當位宜守坤塞不中正不可求坎通止之象也子曰亂之所生也則言語以爲階君不密則失臣臣不密則失身幾事不密則害成是以君子慎密而不外也君子知通塞之有時戒慎密以自惕可以無咎矣繫辭曰震無咎者在乎悔自茲以往知悔而善補過不可織介不正而使悔吝爲賤焉嗟呼今世之人舉孝廉策甲科紫其綬而丹其轂者豈盡贍知之人哉亦時之通塞而已通則可爲塞則不可爲知塞而爲不可爲不知止也揚子曰爲可爲於可爲之時則從爲不可爲於不可爲之時則凶知言哉此揚子之所以守元而不尚白也藩竊比揚子之元守先師所傳之經爲章

句之徒抱一藝以終老於家可謂居而安樂而玩者夫因自號節甫泊如也。

私謚非禮辨

儀禮士冠禮記死而謚今也古者生無爵死無謚鄭康成注今謂周衰記之時也古謂殷殷士生不爲爵死不爲謚周制以士爲爵死猶不爲謚耳下大夫也今記之時士死則謚之非也謚之由魯莊公始也此專爲士而言也若夫下大夫以上則無不誅而謚矣周官經大史職小喪賜謚小史職大夫之喪賜謚讀誅皆謚之出於朝者也至於下大夫以下其有意稱明德者不得請謚於朝恐行迹之就湮於是有私謚焉漢張璠苟爽以私謚爲非古然柳下謚惠黔婁謚康私謚始於春秋時不可謂不古也蓋周人卒哭而諱左傳申繻曰周人以諱事神名終將諱之名者死者之名也故於將葬之時爲謚以易其名檍公云公叔文子卒其子戍請謚於君曰日月有時將葬矣請所以易其名者易其名者以謚易死者之名而諱之也諱之者非特子孫不敢斥言而已且欲使後人亦不敢斥言之所以左傳紀僕來奔史克之對稱先大夫臧文仲而不名也若無爵無謚則柳下黔婁之賢乃百世之師豈可使後人斥言其名哉此私謚之所以不得不舉也蓋有爵者行事著於朝廷其謚賜之於上無爵者行事見於閭里其謚定之於下展禽下大夫也黔婁庶人也皆不得請謚於朝故門人曾子議私謚焉曾子問賤不誅貴幼不誅長爲諸侯相誅而發非私謚也張璠苟爽不達斯義輒生駁難以譏刺當世謂爲非禮劉向列女傳魯黔婁先生死曾子與門人往弔焉曰何以爲謚若從張璠苟爽之言則曾子爲不知禮矣

與阮侍郎書

見示大著墓表敬讀再三句無可削字不得減此劉勰所謂首尾圓合條貫始序者也所有脫字訛字皆增改矣至於親家之稱出汝南記見後漢書應奉傳注舊唐書蕭嵩傳嵩子衡尚新昌公主嵩夫人賀氏入觀拜席元宗呼爲親家母則親家之稱其來已久且見於史傳表中直書親家不爲無據也竊有一說伏惟俯察古人居喪不文所以行狀與述或求之達官長者或乞之門生故吏無子狀父者有之自唐人始迨及明季士大夫不讀禮經不稽古制當處苦枕由之時無不伸紙抽毫者矣迄今末俗相沿古風難返若不自爲行狀則必羣起而非之飲狂井之水以不狂爲狂良可慨也然行狀分送弔者而已未必能傳之久遠若墓表則勒之貞珉以垂不朽豈可事不師古耶考墓表之作始於漢謁者景君墓表其後如唐著作郎贈秘書少監權君墓表李華之文也廣陵陳先生墓表呂溫之文也施州房使君鄭夫人殯表韓愈之文也宋穆氏先塋石表王壽卿之文也其例亦如狀述無自爲之者惟歐陽修瀟岡阡表則自爲之然作於旣葬之六十年後不在三年之中也閣下爲人倫表式多士楷模安可復蹈興公表哀之失乎藩以爲墓表不可建於下壙之時當立於禮祭之後旣不悖唯而不對之經又得盡發於言語之哀揆之情禮斯爲得矣伏乞垂聽焉

與張篠原書

杜佑通典食貨篇宋文帝元嘉中始興太守孫韶上表曰武吏年滿十六便課米十斛十五以下至十三

皆課三十斛云云馬端臨文獻通考引此與通典同考之沈約宋書乃徐豁非孫豁也李延壽南史列傳豁徐廣之兄子也宋書本傳云元嘉初豁爲始興太守三年遣大使巡行四方并使郡縣各言損益因表陳三事其一曰郡大田武吏年滿十六便課米六十斛十五以下至十三皆課米三十斛一戶內隨丁多少悉皆輸米且十三歲未堪田作或是單適無相兼通年及應輸使自逃逸既遇接蠻俚去就益易或乃斷截支體產子不養戶口歲減實此之由謂宜更量課限使得存立今若減其米課雖有交損考之將來理有深益武吏之名見於漢書尹賞傳得赤丸者研武吏然不知所屬考賞傳當屬縣令後漢書百官志注衛士材官樓船年五十六老衰乃得免爲民就田應選爲亭長課巡尉游徼亭長皆習設備五兵吏赤幘行縢帶劍佩刀所謂吏赤幘者卽亭長也應劭風俗通曰亭吏舊名負弩改名爲長朱博傳博家貧小時給事縣爲亭長又云博本武吏不更文法據此武吏卽亭長也亭長縣令所屬也然則豁所表陳者乃武吏之田非民田也自杜佑通典節去郡大田三字混入賦稅之內遂訛爲取民之制而馬端臨文獻通考襲其舛訛又疑之曰晉孝武時除度定田收租之制只口稅三斛增至五石而宋元嘉時乃至課米六十斛與晉制懸絕殆不可曉豈所謂六十斛者非一歲所賦耶貴與但疑課米之多而不疑郡大田武吏五字蓋誤以爲取民之制竟置武吏於不論矣考晉山濤傳武帝平吳之後詔天下罷兵州郡悉去兵大郡置武吏百人小郡五十人晉初限田之制丁男五十畝而不言兵蓋兵無受田之事也竊謂始興係邊郡武吏之田必邊郡之屯田武帝去兵之後所有屯田卽給武吏晉制五十人爲屯田二千石長吏以入

穀多少爲殿最。是時求課最者必爭相益。乃至六十斛之多。豁不言稅米。而變文言課者。可見至宋時雖不以入米之多少爲課殿最。而課之名猶在也。其始田多更少。尙能輸納。至元嘉時。田止此數。而生齒日煩。勢在不能均給。而武吏子孫。又成土著。甚至無大田之實。有武吏之名。按戶徵輸循而未改。於是又有畏法逃匿。而戶口歲減也。若以此爲取民之制。旣與孝武口稅三斛不符。且豁亦不必言武吏矣。昨辱手書下問。今具述所知以答。如予說未當。乞明以教我。幸甚。

釋樞序

江都焦君里堂。厲節讀書。綜經研傳。鉤深致遠。復精推步。稽古法之九章。考西術之八綫。窮弧矢之微。盡方圓之變。與凌君仲子、李君尚之齊名。嘉慶三年秋。里堂出所製釋樞一篇示予。考西法自多祿畝以至第谷。皆以五月五星之本天爲平圓。其後西人有刻白爾噶西瓦等。以爲橢圓。兩端徑長。兩要徑短。雍正八年六月朔日食。舊法推得九分二十二秒。今法推得八分十秒。驗諸實測。今法爲合。於是詔用今法。橢圓起於不同心天之兩心差。引而倍之爲倍心差。用面積求平行實行之差。於是又有大小徑中率與平圓之比例。及差角之加減。與舊法不同矣。其法以面積之度與角度相較。亦可得平行實行之差。然平行面積也。實行角度也。以積求角難。以角求積易。故先設以角求積。次設以積求角。次設借積求積。次設借角求角。四法最爲簡捷。與舊法迥殊。其言日躔之理。亦卽盈縮高卑之說也。如橢圓以地心爲心。規橢圓之形。中畫爲午。從地心作綫。分爲三百六十度。每分之積皆爲一度。每一分積爲六十分。太陽每日右旋。當

每一度積之五十九分有奇，所謂平行也。則太陽在午線之下，是爲最卑，而地心至橢圓界之綫角，角度必寬，是爲行盈。太陽在午線之上，是爲最高，而地心至橢圓界之綫長，角度必狹，是爲行縮。盈縮高卑之理，雖與第谷同，而橢圓之法，則密於第谷諸輪之法。若以諸輪法測今日日月五星之天，有不謬以千里者哉？昔秦大司寇蕙田輯五禮通考，觀象授時一門，戴編修震分纂詳述諸輪之法，而不及太陽地半徑差清蒙氣差，橢圓三說，不亦僥乎？是篇仿張淵觀象賦之例，自爲圖注，反復參稽，抉蘊闡奧，爲實測推步之學者所不可無之書也。學者從事於斯，以求日躔月離，交食諸輪，無晦不明，無隱不顯矣。里堂不以藩爲譖，劣屬序是篇，乃書橢圓緣起，爲讀是篇者之先導云。

石研齋書目序

藏書家之有目錄，始於宋之晁公武郡齋讀書志，尤袤遂初堂書目，陳振孫書錄解題，自此以後，海內藏書家無不有目錄矣。吾鄉收藏之富，如馬半查、蔣西浦皆甲於大江南北，而獨無目錄，不數十年，宋槩元刻秘本精抄，散失無存，良可慨已。江都秦敦夫太史、樂志鉛黃棲神典，藉蓄書數萬卷，日夕檢校，一字之誤，必求善本，是正竊怪近日十大夫藏書以多爲貴，不論坊刻惡抄，皆束以金繩管以玉軸，終身不寓目焉。夫欲讀書，所以蓄書，蓄而不讀，雖珍若驥珠，何異空談龍肉哉？若太史之兀兀窮年，蓋亦妙矣。太史有廢於馬將兩家，謂予曰：「有聚必有散。」吾子孫焉能世守勿替，暇日編石研齋書目上下二卷，以志雲煙之過眼云爾。藩昔年聚書，與太史相埒，乾隆乙巳丙子間，頻遭喪荒，以之易米，苦倉一空，自我得之，自我失

之夫復何恨然師丹未老強半遺忘所弄秘笈至有不能舉其名者惜未編目錄以誌之也有感於太史之言而爲之序

張舊山詩集序

張君舊山名居壽世爲江都人少習舉子業應童子試不售卽棄去嗜酒落拓與里中無賴子弟游友人黃君文賜勸之學始折節讀書學詩於朱布衣賓家天心墩側破屋三間日夕吟詠其中易衣而出并日而食安如也所爲五七言詩鏘肝鑿腎眇慮窮思多不經人道語然詩愈工而窮愈甚餓塵常滿妻子幾至不能存活袁大令枚過揚州見舊山五言詩於當事前稱之當事餽以錢米得免餓死於是始有人知舊山之名延之爲童子師者舊山生性剛烈疾惡如讐會著舐痔得車論以譏當世又使酒罵座俗人以爲狂生見之輒避去坐此所如不偶卒以窮困死其子不肖詩稿散失無存因錄其與藩唱和之作投贈之篇爲一冊而序之

乙丙集自序

予束髮時卽能爲五七言詩閉門造車絕無師法年十五從余仲林先生游始知風雅之旨於是上窺漢魏六朝下武李唐趙宋雖不能入天厨竊禁臠而鍾嵘之品皎然之式亦三折肱而思過半矣瓦缶鳴秋蟲吟十年生得八百首丙午歲大饑日唯一餉粥貧居無事發八百首讀之吟哦之聲與饑腸雷鳴聲相應續乃去蘋波蘭伐穀存禾得一百四十九首釐爲二卷上卷七十七首下卷六十三首起乙未終乙